

ქ. თბილისი

13 მარტი 2018 წელი

ერთი მხრივ სსიპ „იუსტიციის უმაღლესი სკოლა“, მისი დირექტორის, ლაშა მაღრაძის სახით, (შემდგომში „შემსყიდველი“), და მეორე მხრივ სს „ვისოლ პეტროლიუმ ჯორჯია“, მისი გენერალური დირექტორის მინდოზილი პირის ნინო დოლიძის სახით, (შემდგომში „მიმწოდებელი“), სახელმწიფო შესყიდვების შესახებ „საქართველოს კანონისა და გამარტივებული ელექტრონული ტენდერის შედეგად მიმწოდებლის მიერ წარმოდგენილი სატენდერო წინადადების საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1 ხელშეკრულების საგანია მანქანის რეცხვისა და მსგავსი მომსახურებების (შემდგომში „შესყიდვის ობიექტი“), შესყიდვა (CPV50112300), ხელშეკრულების პირობებისა და დანართი #1-ის შესაბამისად, რომელიც წარმოადგენს ამ ხელშეკრულების განუყოფელ ნაწილს.
- 1.2 შესყიდვის წყარო: 2018 წლის სახელმწიფო ბიუჯეტის სახსრები.
- 1.3 შესყიდვის ობიექტის ხარისხი უნდა შეესაბამებოდეს ხელშეკრულებაში მითითებულ და ამ სფეროში არსებულ სტანდარტებს.

მუხლი 2. ხელშეკრულების ღირებულება

- 2.1 ხელშეკრულების საერთო ღირებულება შეადგენს 2000,00 (ორი ათასი) ლარს, მიწოდებასთან დაკავშირებული ყველა ხარჯის და საქართველოს კანონმდებლობით დადგენილი ყველა გადასახადის ჩათვლით.

მუხლი 3. შესყიდვის ობიექტის მიწოდების ვადები და ადგილი

- 3.1 რეცხვის მომსახურების გაწევის პერიოდია ხელშეკრულების დადებიდან 2018 წლის 28 დეკემბრის ჩათვლით;
- 3.2 ტალონების მიწოდების ვადაა შემსყიდველის მოთხოვნიდან არაუმეტეს 2 (ორი) სამუშაო დღე.
- 3.3 ავტომობილის რეცხვითი მომსახურების სრულად გაწევა მოხდება ტალონის წარმოდგენიდან არაუგვიანეს 1 საათის განმავლობაში.
- 3.4 შემსყიდველის მოთხოვნიდან არა უმეტეს ორი სამუშაო დღის ვადაში მიმწოდებელი მიღება-ჩაბარების აქტით გადასცემს შემსყიდველს მის მიერ მოთხოვნილი ოდენობისა და სახეობის რეცხვის ტალონებს. ტალონების გადაცემის შემდეგ მათი დაკარგვის, დაზიანების ან განადგურების რისკი გადადის შემსყიდველზე, ამასთან, უკვე გადაცემული ტალონები არ ექვემდებარება დაბრუნებას ან სხვა სახეობის მომსახურების ტალონებზე გადაცვლას. წინამდებარე ხელშეკრულების ინტერესებიდან გამომდინარე, ავტომანქანის რეცხვის ტალონი – ეს არის მიმწოდებლის მიერ დაბეჭდილი ბარათი, რომელიც განკუთვნილია შემსყიდველისათვის და ადასტურებს მის უფლებას შესაბამის ავტოსამრეცხაოში მიიღოს ავტომანქანის რეცხვის მომსახურება. ყოველ ტალონზე აღნიშნული უნდა იყოს:
- ტალონის ნომერი;
 - მიმწოდებლის ლოგო წარწერით „ვისოლი“;
 - ტალონის (მომსახურების) სახეობა.
- შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონივრულ ვადაში სამუშაო საათებში აცნობებს მიმწოდებელს დაკარგვის შესახებ წერილობით და მიუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების გაცემა. დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას). ამასთანავე, ბლოკირებამდე ტალონების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს.
- 3.5 ტალონით მომსახურება განხორციელდება ნებისმიერ მის წარმომდგენ პირზე.
- 3.6 მიმწოდებელი ვალდებულია ტალონის წარმოდგენისთანავე გაურეცხოს ავტომანქანა ტალონის წარმომდგენს.
- 3.7 მომსახურების გაწევა მოხდება მიმწოდებლის ავტოსამრეცხაოებში.
- 3.8 ყოველი მომდევნო თვის 12 რიცხვამდე (ხოლო დეკემბრის თვის მომსახურებაზე 4.2 პუნქტით დადგენილ ვადაში) მიმწოდებელი გამოუწერს შემსყიდველს ელექტრონულ საგადასახადო ანგარიშ-ფაქტურას („ესაფ“-ს) წინა თვეში ფაქტობრივად გაწეული მომსახურების შესაბამისად. შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს „ესაფ“-ის დადასტურება.

შემსყიდველს არც ერთი საფუძვლით არ შეუძლია სადავო გახადოს მისი მხრიდან შესაბამისი „ესაფ“-ის ელექტრონულად დადასტურების ფაქტი, ვინაიდან შესაბამის ელექტრონულ საშუალებებთან წვდომა გააჩნია მხოლოდ შემსყიდველს, „ესაფ“-ის ელექტრონულად დადასტურების პროცესი არ კონტროლდება მიმწოდებლის მიერ და შემსყიდველი თავად განსაზღვრავს იმ პირის ვინაობას, რომელიც უშუალოდ მოახდენს შემსყიდველის მხრიდან „ესაფ“-ის ელექტრონულად დადასტურებას.

3.9 წინამდებარე ხელშეკრულების მოქმედების პერიოდში ტალონების მიღება-ჩაბარების აქტების ხელმოწერაზე უფლებამოსილი პირი შემსყიდველის მხრიდან არის ვასილ ჭიჭაძე (01024040100) და ეს უფლებამოსილება არ შეიძლება გახდეს სადავო შემსყიდველის მხრიდან. შემდგომში ამ პირის უფლებამოსილების გაუქმება ან შეზღუდვა იურდიულ ძალას შეიძენს მხოლოდ იმ შემთხვევაში, თუ მიმწოდებელს წერილობით ეცნობება ამის თაობაზე ან თუ მხარეთა შეთანხმებით შესაბამისი ცვლილება შევა წინამდებარე პუნქტში. სხვა პირისათვის ამ უფლებამოსილების მისანიჭებლად ასევე საჭიროა შესაბამისი წერილობითი მინდობილობა ან მხარეთა შეთანხმება.

მუხლი 4. ანგარიშსწორების ფორმა და ვადები

4.1 შესყიდვის ობიექტის ღირებულების ანაზღაურება მოხდება ყოველთვიურად, უნაღდო ანგარიშსწორების წესით ფაქტიურად გაწეული მომსახურების (გახარჯული ტალონების) შესაბამისად, მიმწოდებლის მიერ 3.8 პუნქტის შესაბამისად გამოწერილი „ესაფ“-ის საფუძველზე.

4.2 2018 წლის დეკემბრის თვის მომსახურების შესაბამისი „ესაფ“-ის გამოწერა უნდა მოხდეს არაუგვიანეს 2018 წლის 28 დეკემბრისა.

4.3 ანგარიშსწორება განხორციელდება 3.8 პუნქტის შესაბამისად მიმწოდებლის მიერ „ესაფ“-ის გამოწერიდან არაუმეტეს 10 სამუშაო დღეში.

4.4 მიმწოდებელი ვალდებულია დაიცვას პუნქტი 3.8 წინააღმდეგ შემთხვევაში შემსყიდველს უფლება აქვს უარი თქვას ანგარიშსწორებაზე.

4.5 2018 წლის დეკემბრის თვის მომსახურების ღირებულების ანაზღაურება მოხდება 2018 წლის 31 დეკემბრამდე.

4.6 თუ მიმწოდებელი ვერ უზრუნველყოფს ხარისხიანი შესყიდვის ობიექტის მიწოდებას, რაც გულისხმობს ამ სფეროში არსებული სტანდარტების და სატენდერო დოკუმენტაციის მოთხოვნების სრული დაცვით შესრულებული შესყიდვის ობიექტის მიწოდებას, შემსყიდველი უარს განაცხადებს შესყიდვის ობიექტის მიღებაზე და შესაბამისად ანაზღაურებაზე.

მუხლი 5. მხარეთა უფლება-ვალდებულებები

5.1 შემსყიდველს უფლება აქვს:

ა) შეამოწმოს შესყიდვის ობიექტის ხარისხი.

ბ) მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.

გ) ნებისმიერ დროს შეაჩეროს ან შეწყვიტოს ხელშეკრულება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე.

დ) დაასწროს თავისი წარმომადგენელი (მძღოლი) ავტომანქანის რეცხვის პროცესს.

5.2 შემსყიდველი ვალდებულია:

ა) წერილობითი ფორმით, აცნობოს მიმწოდებელს შესყიდვის ობიექტის წუნის შესახებ.

ბ) დაიცვას ხელშეკრულებით გათვალისწინებული პირობები.

5.3 მიმწოდებელს უფლება აქვს:

ა) მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

ბ) მოითხოვოს შემსყიდველისაგან ხელშეკრულების სხვა პირობების დაცვა.

5.4 მიმწოდებელი ვალდებულია:

ა) მიაწოდოს შემსყიდველს შესყიდვის ობიექტი ხელშეკრულებით დადგენილი პირობების შესაბამისად;

ბ) ხელშეკრულებით დადგენილი პირობებისა და წესის შესაბამისად დროულად აღმოფხვრას შესყიდვის ობიექტის წუნი;

გ) ჯეროვნად, დროულად და კეთილსინდისიერად შეასრულოს ხელშეკრულების პირობები.

დ) ავტომობილი გარეცხოს აკურატულად, გულდასმით. ძარის და სალონის რეცხვასთან ერთად ყურადღებით გარეცხოს, გაასუფთაოს და გაამშრალოს ავტომობილის დგარები, კარის თალები, საბურავის თალები, წყლის ღარები, სალონში ჰაერის დამბერებში და სხვა მიუდგომელ ადგილებში მტვრის გამოწმენდა უნდა განხორციელდეს გულდასმით, ყველა საჭირო ხელსაწყოებისა და მასალების გამოყენებით.

ე) ანაზღაუროს ნებისმიერი სახის ზიანი, რომელიც მომსახურების გაწევის დროს, მისი ბრალეულობით მიაღებდა შემსყიდველის ავტომობილს.

მუხლი 6. ხელშეკრულების ინსპექტირების პირობები

- 6.1 შემსყიდველი უფლებამოსილია მოახდინოს შესყიდვის ობიექტის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 6.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული ობიექტის ნაწილის და წუნდების მითითებით.
- 6.3 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
- 6.4 ხელშეკრულების ინსპექტირებას შემსყიდველის მხრიდან განახორციელებს სსიპ "იუსტიციის უმაღლესი სკოლის" მატერიალურ-ტექნიკური უზრუნველყოფის სექტორის უფროსი ნიკოლოზ ბუაჩიძე.

მუხლი 7. პირგასამტეხლო ხელშეკრულების პირობების შეუსრულებლობისათვის

- 7.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისთვის მხარეებს ეკისრება პირგასამტეხლო შეუსრულებელი ვალდებულების ღირებულების 0,02% ოდენობით. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.
- 7.2 იმ შემთხვევაში თუ ვადაგადაცილების გამო დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 0,2%-ს, მხარეებს უფლება აქვთ შეწყვიტონ ხელშეკრულება.
- 7.3 ხელშეკრულებით ნაკისრი ვალდებულებების შეუსრულებლობით გამოწვეული ზიანის ანაზღაურების საკითხი რეგულირდება საქართველოს კანონმდებლობით.

მუხლი 8. ხელშეკრულებაში ცვლილებების შეტანა და ხელშეკრულების შეწყვეტა

- 8.1 ხელშეკრულებაში ნებისმიერი ცვლილების ან დამატების შეტანა შეიძლება მხოლოდ მხარეთა წერილობითი შეთანხმებით.
- 8.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4 თუ ხელშეკრულების რომელიმე მხარე დაარღვევს ხელშეკრულებიდან გამომდინარე ვალდებულებას და პირობებს, მაშინ ხელშეკრულების მეორე მხარეს შეუძლია მოითხოვოს ხელშეკრულების შეწყვეტა, ვალდებულების შესრულებისათვის მის მიერ დამატებით განსაზღვრული გონივრული ვადის უშედეგოდ გასვლის შემდეგ (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა). თუ ვალდებულების ხასიათიდან გამომდინარე შეუძლებელია ან აზრს კარგავს დამატებითი ვადის გამოყენება, მაშინ დამატებითი ვადის განსაზღვრას უთანაბრდება გაფრთხილება (გამოიყენება წერილობითი ფორმა ან ამ ხელშეკრულებაში მითითებულ ელექტრონულ ფოსტაზე გაფრთხილების გაგზავნა).
- 8.5 ხელშეკრულების შეწყვეტასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.
- 8.6 ხელშეკრულება ასევე, შეიძლება შეწყდეს მხარეთა ინიციატივით, წერილობითი ურთიერთშეთანხმების საფუძველზე.

მუხლი 9. დავები და მათი გადაწყვეტის წესი

- 9.1 ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილი იქნას მოლაპარაკების გზით.
- 9.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი 10. დაუძლეველი ძალა

- 10.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.
- 10.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ორ კვირაზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე.

10.3 დაუძლეველი ძალის შემთხვევაში მხარე დაუყოვნებლივ წერილობით აცნობებს ამის შესახებ მეორე მხარეს.

მუხლი 11. სხვა პირობები

11.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

11.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

11.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 12. ხელშეკრულების მოქმედების ვადა

13.1 ხელშეკრულება ძალაში შედის მისი დადების დღიდან და მოქმედებს 2019 წლის 31 იანვრამდე.

მუხლი 13. მხარეთა იურიდიული მისამართები და რეკვიზიტები

„შემსყიდველი“

სსიპ „იუსტიციის უმაღლესი სკოლა“

ქ.თბილისი, ნ.ზოხუას #19;

ს/კ: 205146493 ტელ: 238 11 61;

ელ-ფოსტა: vtchitchagua@hsoj.ge

სახელმწიფო ხაზინა,

ხაზინის კოდი: TRESGE22

ა/ა GE24NB0330100200165022



ლაშა მაღრაძე
დირექტორი

„მიმწოდებელი“

სს „ვისოლ პეტროლიუმ ჯორჯია“

ქ. თბილისი, ჭავჭავაძის 74 # ბ


ს/კ: 202161098; ტ: 2915315

ელ-ფოსტა: sales@wissol.ge

ს/ს „თიბისი ბანკი“

ბანკის კოდი: TBCBGE22

ა/ა #GE48TB1100000018467453



ნინო დოლიძე
გენერალური დირექტორის
მინდობილი პირი

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ #180002707-ის დანართი #1

ქ. თბილისი

13 მარტი 2018 წელი


N	შესყიდვის ობიექტის დასახელება	რაოდენობა (მომსახურება)	ერთეულის ფასი (ლარი)	მთლიანი ღირებულება (ლარი)
1	სედანის ტიპის ავტომანქანის რეცხვის მომსახურება.	200	10	2000
			ჯამი	2000

„შესყიდველი“



ლაშა მაღრაძე
დირექტორი

„მიმწოდებელი“



ნინო დოლიძე
გენერალური დირექტორის
მინდობილი პირი

ინფორმაცია ინტერესთა კონფლიქტის შესახებ

ქ. თბილისი

13 მარტი 2018 წელი


„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ სიპ „იუსტიციის უმაღლესი სკოლის“ მიერ 2018 წლის 16 თებერვალს გამოცხადებული გამარტივებული ელექტრონული ტენდერის (NAT180002707) საშუალებით, 2018 წლის 13 მარტს სს „ვისოლ პეტროლიუმ ჯორჯიასთან“ დადებული #180002707 ხელშეკრულებით გათვალისწინებული, მანქანის რეცხვისა და მსგავსი მომსახურებების შესყიდვის განხორციელებაში, მისი მონაწილეობა არ იწვევს ინტერესთა კონფლიქტს.

სსიპ იუსტიციის უმაღლესი სკოლის
დირექტორი



ლაშა მარდაძე

მატერიალურ-ტექნიკური
უზრუნველყოფის სექტორის უფროსი



ნიკოლოზ ბუჩიძე